

OXONIUM POEMA.

Authore *F. V.* Ex Æde Christi.



O X O N :

Typis *W. Hall*, Impensis *Ric: Davis*, 1667.

OXONIVM

POEMA.

OXONIVM

OXONIVM



Oxonium Poema.

Dic mihi, sic Sacris semper dilecta Camænis,
 Intra urbes Mater possis florere Britannas,
 Sic tibi quo pulchros extendis limite Muros,
 Isis amata suâ semper circumstrepit undâ.
 Dic mihi quid nostri passim meditantur amici,
 Quâque salute valent? quo robore? tum quibus unus-
 Quisque datus studiis fœlices transigit horas,
 Paulatimque suis assurgit in Æthera curis,
Oxonium Anglorum columen, nutrixque Juventæ.

Ast me dum terris late feror omnibus exul,
 Perque fretum ducit novitatis amabilis error,
 Usque tuis creptum umbris, gremioque carentem
 Quarta momordit Hyems, & quarta retorruit Æstas.

Quando ego te rursum satiatâ mente Videbo,
 Augustosque legam Vicos, quæ fata secutus
 Rursus in Oxonium Regali tramite tendam?
 Et Shotoverini longè de culmine Montis
 Aspiciam latus ex imo assurgere Turres.
 Teque adeò, viridi reginam in valle sedentem
 Cæruleâ cultos redimitam nube capillos.

The Kings
 High-way,
Shotover-hill
 Prospect.

Salve Sancta, potens virtutum, operosa benignis
 Artibus, & Studiis non tetrica Mater alendis,
 Gentis honos. Tuque ante alias Venerabilis Ædes,
 Æternum decus, & Christi de nomine notum,
 Christ-Chi Aulâ ingens, rectisque altum, temploque superbum.
 Quam centum astantes circa plena ubera nati
 Attonitam cingunt Matrem, Phoeboque litantes.
 Omnes laurigeri, Velati laudibus omnes,
 Musarumque chorus lectus, quos ultimus inter
 Ipse sequens venio, & retro comitatus anhelos.

The Dean. Spectamus primâ radiantem in fronte Decanum,
 Egregio præclarum animo, quem ponè verenda
 The Chapitro Turba Virum sequitur, Senibus numerabilis octo,
 Inter quos celebrem, & dulci mihi munere Charum,
 Dr. Alestrey Qui modo subtiles moderatur Dogmate lites,
 Theologia Dr. Mirantique Scholæ Divina Oracula pandit,
 & Professor Gratus Alistræum nec fictâ fronte saluto.
 Regius.

Teque Decane simul dictum licet ante resumo,
 Et memor è pleno torrentis flumine dextræ
 Esse meo Fratri mecum communia Dona,
 Agnosco pronus meritum, pectusque fidele
 Munere de gemino, geminos persolvit Honores.
 Perge precor, Studiis crescentibus inferre calcar,
 Spemque novam Juveni adde Pater, curisque faveto.

Dignitate Proxima
 Proxima Magdalen
 Colledge. Proxima Cherwelli sinuolas atterit undas,
 Magdalena tuæ Servatrix Regia Famæ.
 Quæ tantum reliquas formosa internitet Arces,
 Quantum tu Solymas inter prælata puellas.

Quam

Quam contra spatiis errans regalibus Hortus,
Splendida quadrati jactat munimina muri,
Qui supero fastu subter labentia spectans
Flumina, pampineis abdit se immobilis umbris.

Physick-
Garden.

Hic quum tempus adest, & picta advenerit Æstas
Messe dies referente, & purpureo Autumno
Non Italum sole indignæ flammisque Falerni
Degeneres, nostris pendent in vitibus uvæ.

The Vines.

Dein flavæ *Armenia* glandes, & *Persica* pulchro
Mala globo, ac plenis sordent tibi poma canistris.
Excipiunt cerasi pergentem, & livida pruna,
Tum fido amplexu per candida mœnia repens
Jasmine tenues effundit lactea flores.

Apricocks,
Peaches,
Cherries,
Plums.

Jessime.

In medio taxi, atque umbrâ Cyparissus acutâ,
(Ante puer, sic fama refert, nunc pulchrior arbor,)
Et platani, & nostro non natæ in littore pinus,
Canaque sed nullis baccis insignis oliva,
Et vos Phæbeæ doctorum præmia lauri,
Et Sorbi, & Cytisi, & Veneri suavissima Myrtus.
Huc etiam occiduis Guaiacum venit ab Indis,
Venit & Eois huc Cassia munus ab Hortis.
Denique de cunctis viridescunt germina terris.
Forsthan hic Cytharam tetigisse putabitur Orpheus,
Cumque Lyrâ, Oxonio sylvas donasse sequaces.

Trees.

Nec minor interea placidorum gratia florum,
Qui tunicas variant, & læto lumine rident,
Hi longum sulcum implentes & densa per herbam
Agmina trudentes, tepidis nutantia ventis,

Flowers.

Exhalant dulces animas, monstrantque colores,
 Quales imbrifero quum Sol successerit Austro
 In vacuo tendit coelo Junonius Iris.
 Gramina sæpe per hæc, cuncti dicuntur Amores
 Saltasse, & Veneres mixtas duxisse choréas.
 Ipsa Ceres quondam flaventi cincta coronâ
 Mota loci famâ, postquam illuc æmula venit
 Et tantas spectavit opes, floresque perennes,
 Despexisse suas tristes narratur aristas.
 Hoc certe; nullo magis exultavit in Horto
 Candidus, aut toties super incubat Anglus Apollo.

Herbs.

Hic Thymus, hic apibus semper cantata Melissa,
 Et Crocus, & Costi suaves cum Stæchade odores,
 Junctaque Dictamno requies Panacæa dolorum,
 Mandragoræque graves succi, somnoque fluentes.

Sensitive Pl.

Est alia & reliquis apparet sanctior Herba,
 Sola viget, læto expandit se gramine sola,
 Et plaudit sibi, sed si quis Temerarius Ausit
 Admovisse manum digitosve inferre molestos,
 Continuo refugas stringit castissima fibras,
 Et folia aspiciens junctis se claudere valvis.
 Hinc sensum tribuere viri, sanctosque recessus
 Mirati, quod nec digitis Violabilis ullis
 Contactum fugit, & manuum consortia vitat,
 Majorem Plantis animam, sensusque capacem
 Finxerunt, & *sensibilem* voluere vocari.

Hæc dixisse sat est, nam si juvat usque per omnes
 Ire Herbas memorem, & cunctarum expendere vires,
 Ocyus

OXONIUM POEMA.

5

Ocyùs expédiam, Boreas in montibus anglis
 Quot duras agitat quercus, quot concutit ulmos.
 Quotve per Hibernam, lunâ sub præside, noctem
 Ibunt, & coelo rutilabunt Signa sereno.
 Si tamen Arte cupis, fatique potentibus Herbis
 Instaurare annos, cunctasque expellere pestes,
 En tibi Supremum vitæ labentis Asylum,
 En tibi præsidium haud dubium, quo vindice morbi
 Diffugiunt, stygioque altè caput amne recondunt:
 Auspice quo, divina salus plaudentibus alis
 Advolat, atque pedem summo demittit Olympo.
 Quo pandente sinus, optataque dona ferente,
 Non juga lustrentur Lybiæ, non Pindus, & Hæmus,
 Thuriferæque Arabum valles, non Balsama flentes
 Assyriæ colles, nec fulta trabes Terebinthi,
 Indorum nemora, & liquidam sudantia Myrrham,
 Unus languenti naturæ sufficit Hortus.
 O sacer! atque Ægro exorabilis Horte Britanno
 Ornatas diffunde comas, crinesque virentes
 Formosos deceant humeros, tua lilia sparge,
 Sparge rosas nec avarus, adoratumque per orbem
 Necte caput Violis, terrasque hominesque serena.

Nec non Hortorum custos & cura Priape
 Audaces hinc exige aves, te Judice vermis
 Occidat, & frondes solitus depascere limax
 Improbis, & prohibe teneros Aquilonibus Hortos.

Horto vicinus pons est, qui subjicit undas,
 Atque indignantes spumanti fornice frænât.

Magdalen-
Bridge.

Succedit

6 OXONIUM POEMA!

Hedington-
hill. Succedit Ponti, monstratque è colle propinquò
Hedintona suis sæcunda cacumina saxis,
The Quarry. Quæ liceat quæso sumptis ascendere pennis,
Parnassique humiles apices invisere nostri.

Jamque mihi videor notis insistere clivis,
Et circà regionem omnem spectare jacentem.

Marston. Hic primum Exiguus occurrit *Marstona* Villis
Pauper, sed campo sælix atque ubere Glæbæ.

Water Eaton Nec longè *Ætonam* post terga relinquit aquosam.
Elsfield. Provocat infestos elata *Elsfeldia* ventos

Arboribus defensa suis, montemque coronat.
Sed quid ibi video quadratâ albescere Turri,
Islip. *Islipium* est. patria hic sedes, cunæque *Odoardi*
Edward the *Confessoris* erant : qui quondam his incola terris
Confessor. Monstrabat mentemque piam, moresque pudicos.
Ille truces *Britonum* proceres, belloque furentes
Leniit, & sanctis flexit moderator habenis.

Ille, per incultos errantem vilius agros
Justitiam erexit secum, solioque sedere
Jussit ; & Augustam cinxit Diademate frontem.
Canoniz'd. Qui nunc templa facer, populumque in vota ruentem.
Spectat, & Arctois densas cultoribus aras
Islipii, primum lucem, & spiramina coeli
Hauisit, ab *Islipicis* nutrix accepta colonis
Sustulit, & teneram præbebat rustica mammam.

Woodstock, Verum aliud video, & tento vix lumine tango
The Palace. *Woodstockium*, agnosco sylvas, & nobile tectum,
Quod superimpositum non alto vertice colli,

Spissa

Spissa satis nemora, & fontes miratur amenos;
Qui circumfusi properant in vallibus imis
Et pecori sedare sitim, pecorisque Magistro;

Hic Regni Satura, & rerum molimine fessa
Movit in arva pedem, curasque resolvit Eliza.

Hic *Henricus* equi volitantis terga fatigans,
Terruit excelsos generosa indagine Cervos,
Impiger. Hic quondam (si non & perfida fama)
Dædaleos flexus, & multiplicem labyrinthum
Circuit, & Regi placuit *Rosamunda* proci.
Cui referunt motam Thalamo super *Heleonaram*
Lethiferas misisse dapes, & triste venenum.

Defunctum tandem vitæ, atque exangue cadaver
Godstovii nemus, & riguos devenit in Hortos.
Hic infelices obitus, vitamque peractam
Fleverunt, multumque pæ gemuere sorores.

Sed si scire cupis, quæ jam post fata supersunt
Reliquiæ, & tantæ famam non negligis umbra,
I pete, quod junctum ponti est invisere pratum,
Hic licet obscurum lappis, & gramine rectum
Marmoreum invenies & nostra ætate sepulchrum.
Quod quoniam mutum est, titulo nec cernitur ullo,
Eia age, nos memores tumulo inscribamus honores.

Hic ego marmoreo jaceo *Rosamunda* Sepulchro,
Mollius at quondam *Regalis* flamma jacebam,
Qui tamen extincta quaris vestigia flammæ,
Hic fumos tantum, & cineres spectabis inanes.

Spissa
nemora
fontes
miratur
amēnos
Qui
circumfusi
properant
in vallibus
imīs
Et
pecori
sedare
sitim
pecorisque
Magistro
Hic
Regni
Satura
& rerum
molimine
fessa
Movit
in arva
pedem
curasque
resolvit
Eliza

Henry VIII.

Fair Rosamond.

Queen
Elenor.

Godstow.

The Nuns.

Godstow.
Bridge.
Rosamonds
Tomb.

8 OXONIUM POEMA.

Biaſey. Jam quid ego hic referam cunctos ex ordine pagos,
Hinkſey. *Binſeumque, Hincenque, & adhuc Medleja teſta,*
Medley. *Vel placidas Witami ſedes. Cur te celebrarem*
Witcham. *Gazentona, tuasve Ænſhamia terra ruinas,*
Gazenton. *Et templum antiquum, ſemperque nitentia culta.*
Æneſham
Abby and
Mead.

Wolvercut. Aut *Wulwercutium*, aut molli quæ conſita clivo
Blechiagron, *Blechintona* ſuis tumidum caput exſerit ulmis.
The Elms.

Port-mead. Sed neque depingam *Portenſia* prata canendo,
where horſes
ſeed in com- *Nec te camporum pinguiffime, nec tua tangam*
mon. *Pafcua, nec tonſas armento præpete ripas.*

Kidlington, Nulla meas meruit vel *Kidlingtonia* muſas,
Northam- *Northamptonenſem* vel quæ ducit in Urbem.
pton Road.

Near Nor- Quam propè, famiſonum fas ſit mihi quærere teſtum,
thampton *Non oculis hinc conſpicuum, ſed mente petendum.*
Road ſtands *(Vos quibus eſt altæ ſedes ſpectare Voluptas,*
&c. *Atque unus labor eſt urbes luſtrare Videndo,*
Hâc mecum torquere pedes, & verſite mentes.)
Stat Domus Antiquos multum celebrata per annos,
Obſita virgultis, & ſylvæ juncta frequenti.

Louſe-Hall. Nomen habet, Tituloſque animale recepit ab illo,
Quod citò ſex pedibus miſerorum terga pererrans
Crudeles morſus, & perfida vulnera figit.
Atque ſolo totidem pedibus diſtare videtur.

Domus ſex
ſedes alta.

Hanc Aulam facileſ appellavere Nepotes
Diſſimilem Regum templis, caret illa columnis
Marmoreis, non hic auro laquearia ſquallent,

Pulvere

Pulvere sed crasso obducta, & fuligine nigra
Horrescunt: totâque domo, patulisque fenestris,
Non interruptas pertexit Aranea telas.

Hanc tenet immortalis Anus, quæ lectâ coquendo
Hordeâ, tum puros libando è paupere cellâ
Cervessæ succos, labentes sustinet annos.

The old wo-
man of Louſe
Hall.

Paulatim in famam crevit Domus, illa Juventæ
Pastorum, & pingui nimium benè nota colono.
Quin etiam hic pluviis, & tempestatibus æquus
Abscondit caput, & turâ latet arce Viator.

Hic nivibus gravis, & Boreali percitus imbre
Excutit Ærumnas, & prædas explicat Auceps.

Sæpe die festo, musarum cultor ab urbe
Currit, & attonitus Cervessæ munera laudat.

Quos omnes gremio bene sedula Mater anili
Excipit, & magno plausu dimittit euntes.

Vix tu Gallinas testis sperare sub illis

Auderes, aut fumosam tibi poscere Pernam,

Nota tamen refero, sæpe invenere petentes.

Denique Nobilium non invida fercula Pompis

Exornant tenues, & candida lintea mensas.

His magnis est Major anus, quæ plurima condit

Ipsa dapes, hilari vultu, multoque lepore.

Viuat Anus, quæ cana caput, nec dentibus ullis

Aspera, Cervessam meliorem nectare promit,

Atque Hecubam formâ quam vincit, vincat & annis.

Ast ego fabellas solitus ridere jocosas,

Mirarique graves fusco de pectore voces,

Et quam longa dedit rerum experientia Barbam;

Pro tantis meritis, & purâ crimine vitâ,
 Et pro Cervaſa ſemper ſine fraude recocta,
 Hoc tibi promitto. Veniet quum Jupiter Hoſpes,
 Mutabit pellem, & fiet de Baucide Numen,
 Viciniſque ſimul pagis, & ab urbe coleris.
 Tu quoque ſtramineo quondam Domus Horrida culmo,
 Cujus inæquales ſuſtentant pondera poſtes,
 Quanquam non Pario lucent tibi mania ſaxo,
 Nec te Praxiteles, nec te decoravit Apelles.
 Sed tituli obſcuras dedit ipſe Pediculus umbras,
 Dum tamen innocuis latitas domus hoſpita Muſis,
 Et tua Caſtalios exundant pocula rivos,
 Semper honore meo, ſemper celebrabere verſu,
 Oxoniique altas inter cantaberis arces.

Sed Luſi ſatis, & nunc ad ſeria volvo.

Bodley Li-
brary.

Jam quibus auxiliis, vel quali carmine, pangam
Bodleiana ſacris congeſta palatia libris.

Quæ quanquam crebras tollunt ad ſidera pinnas,
 Interiore nitent formâ, mentique ſtupendam
 Includunt Pulchro ſub pariete *Bibliothecam.*
 Digna quidem Muſis hæc *Bibliotheca* miniſtris,
 Et famâ meruit celebrari, & Apolline toto.

*Bibliotheca
Bodleiana
Omnia ſacula*

Culmine quæ celſo circum ſæcla omnia luſtrans,
 In noſtrâ antiquum deduxit tempora mundum.

*Omneslinguas
compleſſitur.*

Nec Babylone minor, celeftique æmula turri,
 Tot loquitur ſcripus, totidem ferit Æthera linguis.

Quæ

OXONIUM POEMA.

11

Quæ licet Oxonii superavit vertice culmen,
Nec contenta tamen, nisi, quâ patet, orbe subacto
Armeniosque, Indosque, Ægyptumque, Æthiopasque,
Hebraeosque, Arabasque, & vinctos serica Persas,
Phanicesque, Sinasque, & callida pectora Græcos,
Romanosque suis faceret servire catenis.

*Et in loco edito sita
Omnium gen-
nerum Autho-
res & omniū
terrarum
monstrat in
pluteis conca-
tenatos.*

Huc etiam auratas flexit *Seldenus* Habenas
Assyriis investus equis, hic ponere palmas
Jussit *Idumæas*, spoliisque *Orientis* onustus
Fertur, & hæc rapido ingreditur *Capitolia* curru.

*Quin & Sel-
deni Biblio-
theca Huc
illata est, Li-
bris Orientali-
bus refertis-
sima.*

Hic pariter gyrum celebrant vacua atria certe
Pictoris deserta manu, quæ pallida muris
Implorant artem, & cupiunt ab *Apelle* medelam.
O quando ostendent quales tu *Roma* tabellas,
Aut *Vaticanis* fulgebunt culta *Trophæis*.

The Schools
Gallery.

*Roma san-
Pietro in Va-
ticano. il pa-
lazzo. è la
chiefa.*

Insuper hic parvo videas inclusa recessu
Tot genera, & rerum species, quot dicitur arcâ
Fatidicus clausisse *Noë*, Quum Corruit Orbis
In mare tot volucrum, tot sunt exempla ferarum,
Tam variæ classes. Verum hoc discrimine, quod quæ
Tum metuere undas, Nunc sunt animalia *Sicca*.

The Anato-
my School.

Huc glomerant sese, & latè latera ardua circum
Accurrunt Artes fusæ, factæque *Phalange*
Consistunt; quæ jam *Carolo* sub principe tutæ
Nec metuunt *Torvum Martem*, aut fanatica tela.

The Schools.

King Charles
the Second.

Excipit

The Schools
Quadrangle.

King James.

Seati Pacifici

Excipit immissum quadrato lumine cœlum
Area, quam fultus *Jacobus* utrinque columnis
Respicit, hic nimium promptas in bella catervas
Componit vultu, & folio sublimis ab alto,
Cernite, *Pacificos* tantum monet esse *Beatos*.

The New
Theatre.

The North-
side of the
Schools.

Non opus est aliis Academia Pulchra Triumphis,
Sed te Fama novo perhibet splendere Theatro,
Molirique novos vasto conamine muros,
Qua Bodleianas Boreas premit horridus Arces.

Surgite Foelices, super Æthera, surgite Turres.
Surgite, & *Oxonii* portate in sidera nomen.

Brazen-nose
Colledge.
The Garden
in the Qua-
drangle, The
Chappel and
Cloyster.

Hinc vicina venit, Nasoque relucet ahenò,
Parva quidem, sed culta domus, quæ ruris amica
Securum includit quadratis mænibus hortum,
Ostenditque novum Templum, & nova claustra pere-
Candida progenies, & Musis apta, vel armis,
Usque nitet, calamo sælix, vel casside sumpto.

St. Maries.

Proxima sunt Sanctæ Sanctissima Tempia *Mariae*,
Nec tu mireris dictum hoc de nomine Templum,
Ipsa fuit, Temploque habitavit Numen in illo.

All-Souls-
Colledge.

Nunc *Anima* veniunt *Omnes*, generosa propago.

Hic evectus humo sublimis acumine mentis,
Aeris tranare vias, & sidera solers,
Non audita prius referat miracula *Rennus*.
Dumque suum, sedis pariter caput inserit Astris.

Quod

Quod si mens intra pectus Divina vocatur,
Et meruit tantas animato è corpore, laudes,
Quantus erit, qui sic *Animas* animaverit *Omnes*.

Est alia, & portat *Regine* Fabrica nomen.
Temploque & piæis templi præclara fenestris,
Nec non insigni super omnia pocula *Cornu*.
Occupat has sedes, & *Aristotelem* veneratur
Eboraci pubes, *Scoticis* contermina *Regnis*
Quæ duras hyemes, septemque emensâ *Triones*
Artibus hic mutat tristes, & sole rigores.

Sunt *Ædes* aliæ, & jam lingua edixerat *Vni-*
Sed carmen negat, & mulsæ vetuere volentem.

Nunc te *Petre* canam. Nec te *Wadhame* filebo
Ingenii fontem, & magni cunabula *Wardi*,

Wardi, qui toties cælorum arcana retextit,
Inque cavo clausit trepidantia sidera vitro.
Pulpita nunc premit, & miri præcepta magistri
Explicat egregius, sacundaque pectora solvit
Exoniæque docet populos, *Adytisque* regendis
Ritè præest, sacrâ succinctus tempora *Mythrâ*.

Quando iterum vocem, & stillantia pectore mella
Excipiam? quando subter tua *scrinia* fusus,
Cælestes iterum formas, *Numerosque* latentes
Excutiam, & varias discam domitare *Figuras*.

Dr. *Christopher Wren*.
Astronomiæ
Professor.
Savillianus.

Queens Col-
ledge. The
Chappel
windows.
The poor
Children &
Tabiters
from *York-*
shire, *Cum-*
berland, and
Northumber-
land.

Collegium
Universitatis
non ingredi-
tur carmen.

St. Peters in
the East.
Wadham
Colledge.

Dr. *Seth W.*
olim *Astro-*
nomiæ Pro-
fessor. *Savi-*
lianus *Tele-*
copio.

Nunc *Episco-*
pus *Exoniensis*

In *Mathematicis* mihi
Præceptor plurimum
colendus. *Numeros* ex
Algebrâ quasitos.
Figuras *Geometricas*.

O mihi nunc etiam tua si praecepta liceret
 Imbibere, atque imis penitus sorbere medullis;
 O si nunc linguae raperem in praeordia nectar.

Sed quo me mentis celeri tulit impetus aestu,
 Siste gradum, tum Tu tua quod praeconia tento;
 Et tantas humili complectar carmine laudes;
 Officium ne temne pium, votisque benignus
 Arride, studiisque animi sis æquus *Amantis*.

St. Johns
 Colledge.
 St. Johns
 Grove.

Aspicit adversâ *Wadhamum* sede *Johannes*
 Hirsutâ non fronte minax, non asper ut olim,
 Sed comptus, *Sylvaque* tenax habitator opacæ.

The Causey
 which leads
 to New-
 Parks.

New-Parks.

Inter utrumque jacet, non magno semita calle
 Æqua tamen, junctamque viam sibi cernit equestrem;
 Hanc tu carpe ducem, & campos dimittet in illos
 Quos *Nova* dixerunt, prisci *Vivaria* Patres.
 Quid tituli varias prodest exquirere causas?
 Prata vides, non illa feris, studiisque Dianæ
 Incluta, sed teneris stadia haud incommoda Musis.

Exercises.

Vidimus hîc doctam certatim ludere pubem,
 Et firmos monstrare toros, teretesque lacertos.

People
 walking.

Hic etiam magnâ Juvenum occurrente catervâ,
 Oxonii castas memini rubuisse puellas.

Cattle feed-
 ing.

Hic niveos errare greges spectabis, & ipsas
 Volvere se saturas per opima cubilia vaccas.

OXONIUM POEMA.

15

Est aliud genus, haud numero te Frater in isto
Pone puer, juvat hos Logico mugire boatu,
Distinguoque, Proboque, et acuti rixa Lycei.
Hos cernes flagrare oculis, magnoque tumulul
Non intellectas portare in praelia Formas.

Schollars
that dispute
as they walk

Mox *Burgesdicius* tumidū crepat, hinc *Brewoodus*,
Hinc & *Aristotelis* tonat *Organon*, inde fragore
Insolito *Sanderfons* diverberat aures,
Jamque *Poloniacis* acer *Smiglecus* armis
Emicat, oppositus stat *Keckermanus* atrox vi.
Nec mora, cum totam videas ardere *Conimbram*,
Et *Complutenses* vibrare incendia Patres.
Hinc *Scote* cordigeros animas ad fortia calvos.

Authors quoted in
dispute, *Burgedicii*
Logica, *Brewoods*
Elements, *Sanderfons*
Logick, *Martinus*
Smiglecus Polonus E
Societate Jesu, *Kecker-*
mannus Dantiscaus,
Schola Conimbricensis,
Conimbra in Portugal,
Coll: Complutense Al-
cala de Henares in
España, *Scotus Fran-*
ciscanum familiam,

Parte aliā, nigras longo movet ordine Turmas
Aspera bella ferens, nec segnior ardet *Aquinas*.

Aquinas Do-
minicanam
ducit.

Inde Gigantæus per vasta volumina *Suarez*
Sternit in astra viam, ac imponit Pelion Ossæ.

Franciscus
Suarez Jesu-
ita.

Quem premit assistens præacutâ cuspide *Vasquez*.

Gabriel Vas-
quez.

Dejicit extructos contorto fulmine montes
Scheiblerus, magnasque quatit moles *Herebordus*.

Scheibleri
Metaphysica,
Adriani He-
rebord mele-
temata.

Tandem Combachius furit, atque *Magirus* & *Ingens*
Nescio quid Batavum demurmurat *Isendornus*..

Sic argumentis concurritur, Horrida strident
Nomina, & infano rumpunt sese omnia bombo.

Ite

Ite procul nugæ tetricæ, longumque valetō
 Turba gravis paci, placidæque inimica quieti:
 Tractemus lites coram Prætorē sodales,
 Infelix campo quisquis se torquet Aprico.

J V. Ex Æde
 Christi.

Tu Potiùs *Frater*, per mollia gramina gressus
 Colloquio, risuque feres, frontemque severam
 Deponens, lætos comirabere lætus amicos.
 Aut si solus eris, spirantes suaviter auras
 Ore leges, terrasque torēs, nubesque volantes
 Aspiciens, magnum tacitus venerabere numen,
 Et prece digna putes jucundæ munera lucis.

*Petri Gassen-
 di Philosophia
 Epicurea.*

*Monfr. Rene
 des Cartes.
 Euclidis
 Elementa.*

Sed si tantus amor Musas captare fugaces,
 Nec tibi fas lectis erit abstinuisse libellis,
 Vel bona *Gassendi* lassabit pagina dextram.
 Vel tibi subtiles reteget *Cartesius* artes,
 Aut meus *Euclides* docilem te ducet alumnum,
 Et solus feret in penetralia summa sacerdos.

Parce precor rixis cœlum vexare salubre
 Et non sanguineis aciem disponere campis.

Sed satis excursum est, nunc fila incepta sequamur.

*Resumitur à
 digressionē
 Narratio.*

Si cupis ulteriùs rapidos extendere passus,
 Nec te pœniteat dulci indulgere labori.

*Isis & Cher-
 well, one on
 the right
 hand of New
 Parkes, other
 on the left.*

A dextrâ *Cherwellus* adest, fluvioque silenti
 Serpit iter curvum, & multa proludit in herbâ,
 Lævus at hinc *Isis*, fluctu premit arva sonanti.

Jam-

Jamque aded excellas *Wickhami* invifere sedes:
Mens jubet, & *Muros*, & non ignobile Templum,
Hortus ubi, & Mons est, tua jam levis *Æole* regna,
Qui positos pōstes aeterno turbine perflas,
Incertisque rotas *Zephyris* agitabile ferrum.

New-Col-
ledge. The
Walls, The
Chappel.
The Garden
and Mounr,
Railes. *Æolus*
for weather-
cock.

Hinc potes *Exonia* incedens surgentia saxa
Cernere, & Occiduis populum qui venit ab *Anglis*,
Quos novit *Phæbus*, quorum sese æquore tingit.
Ostentare tuas *Oriens* hic desine gemmas,
Nam valet *Occasus* similes monstrare nitores.

Excester
Colledge,
West Coun-
try men,
Devonshire
and *Cornwal*.

Hic & *Wallisius*, numeros, *Cyphasque* revolvens,
Omne tulit punctum, & *Numerum* cum Pondere junxit;
Dumque aperit gryphos, arcanaque cuncta resolvit,
Se reteggit, dotisque suas, & notus in Orbe est.

Dr. *Wallis*
Geometrie
Professor.
Savilianus.

Exoniam miti respectat lumine *Iesus*,
Iesus amor mundi, & cunctos servare paratus
Servat, & innocuos condit sub numine *Cambros*:
Qui quoniam prompti sunt ad subita arma feroces,
Lentius à magno discant sævire *Patrono*.
Cætera non malus est animus, sed candidus, & mos
Priscus, & antiquos spirantia corda *Britannas*;
Atque capax genius, nam qui te credit inertem,
Quod fueris simplex, & aperto pectore clarus,
Errat, in hoc solum possis tu fallere *Camber*.

Iesus Col-
ledge.
The Welch.

Parvula succedit reliquis *Lincolnia* magnis.
Quam benè fecerunt focii, quod *Dæmona* cauti
Ejecere foras, nam jam quoque ceruitur extra.

Lincoln Col:
The Devil
looks o're
Lincoln.

Allhallows
Church,
The Steeple.

Non longè hinc, *Cunctis* Ecclesia dedita *Divu*
Emicat, aërias inter non infima turres,
Pyramidemque suam sacratâ cuspide tollit.

Trinity Col-
ledge.

Verte pedem, & videas *Ædem*, cognomine *Trinam*.
Illa graves fastus, Majestatemque perosa
Ingenuas celavit opes, cultuque modesto
Non ostentatam voluit componere Formam.

Dr. Bathurst,
Medicinâ &
omni humani-
ore literaturâ
cultissimus.

Sed ne sæpe suis laxitaret pressa tenebris,
Nubila conspiciui pensavit luce *Bathursti*.

Trinity Col-
is encompass-
ed with its
own Grove,
S. Johns his,
Baliol, and
several Gar-
dens there-
abouts.

Verum te indoctâ super est cantare Thaleiâ
Quam varii luci celebrant, tibi carmine molli
Sylvicolæ modulantur aves, tibi *Ceiris*, & *Ortyx*.
Et cum ficedulâ laudes alternat *Acanthis*.
Pervigil ipse suos narrat tibi *Passer* amores.
Nec *Sturnus*, nec *Hirudo* filer, sylvæque *Magistra*.
Aurea divinas miscet *Philomela* querelas.
Conspirat numerosa cohors, te vocibus udis
Præcinit, & tremulas crispas garritis auras.
Interea merulæ plaudunt, rumoribus implet
Stridula pica diem, corvisque loquacibus umbra
Perstrepat, & blando resonat nemo omne tumultu.

Baliol Coll.
The Elms.

Stant *Baliolenses* majore cacumine moles,
Et sua frondosis prætexunt atria ramis,
Nec tamen idcirco *Trinam* sprevere minorem;
Aut sibi subjectam comitem, sponsamve reculant

Bocardo.
The Prison-
ers.

Jam pete *Bocardi* Turres, Portasque patentes;
Atque obolum (si forte tenes) da dives egenis.

OXONIUM POEMA.

19

In summo ostendit nitidum *Carfaxia* ductum,
Qui quot quadrifido spirant de cardine venti
Tot liquidos laxat fontes, tot dividit undas.

Carfax
Conduit.

Quadriviæ antiquum, his visis, potes addere templum.

Carfax
Church,
Carfaxe quasi
quatrevois.

A tergo stat cum veteri *Vetus* aggere *Castrum*.
Nec procul hinc furca est, Fures & scorta cavete.

Castle, and
Castle mount
The Gallows

Inde *Thomafinis* qua fert via proxima pratis,
Humida flumineos circumspicit *Osna* gyros,

Osney Abby.

Osna campanis nimium præclara sonoris,
Quarum ictu nubes tremuere, & pondere Tellus.
Nunc jacet ignoto deformis *Machina* campo,
Atque indefessis rundit frumenta molinis.
Tum qui prata legit, casuque obuenterit aurem,
Pro veteri cantu, sonituque volubilis æris
Audiet undarum fremitum, strepitumque rotarum.

The Bells of
Osney.

Osney Mill.

Nunc adeas *Vada* longa velim, quaque aspera surgit
Radlia, *Bagliace*que petas viridaria sylva.

Long-Ford;
Radley.
Bagly-wood.

Sed prius antiquum *Bacconi* trajicis arcum,

Friar Bacons
Study.

Tendentemque Viam numerofo fornice calcas.

The Causey
a Mile long.

Huc postquam appulerit superatis undique clivis
Fessa gradum, summoque jugo planta ardua fultis;

The Prospect
from Bagley-
wood, the
South side
of Oxford.

Protinus

Victorumque Toros damnato sanguine complent.
Orta hinc fœmineæ memoratur gloria turbæ,
Primaque per *Briticas* concessa sedilia mensas.

Why in England Women sit at the upper end of the Table.

Sed cita volvamus genua, & redeamus in *Vrbem*.

Hic alias possum promptus tibi dicere sedes
Orialongue & eas *Christi* de Corpore dictas,
Mertonamque, at sollicitum timor anxius urget
Ne lacerare velis longum insulsumque Poema,
Aut fastiditas flammis damnare Camænas.

Oriall Colledge, Corpus Christi, Merton.

Mertonam tamen aut veteres, quod sustinet *Ædes*,
Jucundisque hederis annosa cacumina cingit,
Vel nova quod monstrat nostri *Quadrangula* sacri,
Nec novitate reor, nec contemnemus ab annis.

Merton Col. The Tower with Ivy. The new Quadrangle.

Præterea umbrosum densâ tenet arbore lucum
Quem coruli stipant, immixtaque fraxinus ulmo.
Hic *Scotus* imberbis circumtulit *Ens Rationis*
Nec minor *Occamus* studuit docuitque Minores
Ducere caprinam subtili flamine lanam.

The Fellows Garden.

Scotus was of Merton. *Occam*.

Hic Ditis regna, & stagnum movisse Acherontis,
Terribilis Magico celebratur carmine *Bacon*.
Quem Vulgus potuisse caput vocale per artem
Fingere, tum muros stultè miratur ahenos,
Si non infausto periissent mœnia somno.
Hic veteres potes inspicere, & ridere Poetas
Qui dignum cunctis carmen sensere fenestris,
Hoxoniam quare venisti præmeditare.

Friar Bacon the Conjuror The Brazen head, *time is*, &c. England should have walls of Brass His man Miles did not wake him.

In fenestris Collegii Mertonens. pass.

sim legitur hoc carmen cum illo altero. Tempus in omne cave, tempus consumere grave.

Dr. Willis.

Chymistry.

Anatomy.

Scripsit de
fermentatione
& Febribus.Item de Ner-
vis.

Ante fores melior, melioraque sæcula lustrat
Willisus, non hic habitat collegia Tutus
 Sed facit, inque domo raptam tenet ille Minervam.
 Hic olea, & tenues deductâ face liquores
 Destillat, secat hic, humanaque consulit exta.
 Hic rem altam rarâ complexus imagine, scripsit
 Particulis quibus, & quantâ solet igneus irâ
 Bullire in venis & *Fermentescere* sanguis.
 Neve ardeat solum *Febres* verum hoc face lucent.
 Addidit & dignos meliori pectine *Nervos*,
Nervos, quos quoniam reliquos vicisse fatetur,
 Assumpsit rigidos, & in arcum aptavit *Apollo*.
 O Fortunatum *Oxonium*! O bona tempora certè
 Prodigium peperit Phæbo medicina parenti,
 Monstrum quod leges Naturæ trajicit arte.
 Nam reliquos divina facit sapientia mixtos,
 Et cum *Mercurio* Sulphur junxisse salemque
 Dicitur, at posthac (nisi me clara omnia fallunt)
 Qui venient Chymici, quando tua scripta revolvunt
 In te *Mercurium* jurabunt vivere Purum.

Olim studuit
in Æde
Christi.Pembroke
Colledge.

Willisus Christi properantem ducit in Ædes
 Quas olim ornatat, semperque ornatur ab illis.

Christ Ch.

Has quum Transieris, celeres *Pembrochia* passus
 Sistit parva quidem sed inest sua gratia parvæ,
 Et bene magnanimo servit Pygmæa colosso.

Jamque propinquamus metæ, teriturque peractus
 Circulus, inque Ædes *Christi* factò orbe redimus.
 (*Christe* decus calami, & culmen, concedis ut a Te
 Incipiam, de te liceat mihi claudere Versum.)

His

His juncta est foelix tellus, & amabile pratum
 Nympharum non turpis amor, quæ supplice flexu
 Sollicitant thalamos, & leni murmure pulsant
 Littora perpetuis non responsura querelis.

Christ Ch.
 Meadow.
 Encompas'd
 by the two
 Rivers Cher-
 well and Isis.

At non est facilis vesana in flumina campus;
 Stat contra, & pellit gelidarum numen aquarum,
 Miscerique negat, nec se finit ille moveri,
 Quanquam omnes *Chermellus* opes, & divite nimbo
 Ulque suas spargit gemmas argenteus *Isis*.

Sed quum Tristis Hyems fontes laxavit aquarum,
 Vicinisque serunt tumidum de montibus alveum,
 Tum verò violare senem; positoque pudore
 Surgere, & effusis rucere in sua Brachia lymphis.

The Winter
 Land-floods.

Ille effrænata rabiem, cursusque solutos
 Odit, & armatus glacie impenetrabile pectus,
 Se prohibet cupidus nympharum extinguere flammæ.

The Meadow
 frozen.

Jamque adeò fessæque morâ, fractæque repulsâ
 Demisso capite, & turbatâ fronte recedunt.

The waters
 sink.

Ille gravis spoliis, & tanto in crimine Victor
 Mille caput fertis, & mille coloribus ornat,
 Spirantesque ambit *Zephyros*, atque *Ætheris* ignes
 Haurit amans, uni devotus pectora *Soli*.

The Spring.

Dicite Pierides vernâ quis splendor in horâ,
 Quantus honos patrum, totosque effusa per agros
 Quanta seges Juvenum, hæc non & plurimâ Virgo
 Quot vibrant flores, totidem movet ore colores,
 Et trahit assiduis fluitantia Carbasa ventis.

D

Instar

Swimming
in Merton
Pool and
Schollars
Pool.

Tumbling in
the Hay.

Frogs swim-
ming.

Instat turba procul pisces superare natando,
Quæ fluvii petit amplexus, & verbere molli
Tentatura undas, humeros denudat eburnos.
Ille recens secto gaudet se volvere sæno,
Perque suos nidos trepidas agitare cicadas.
Alter at in stagno ranas spectare natantes
Gestit, & humanas imitantia membra figuras.

To tell Sto-
ries under a
Hay-Mow.

Ille diem facili gaudet producere risu
Fronde super fultus, placidosque recondere Soles.
Tristior alter erit; dumque ad vaga flumina fertur
Virgilium, aut magni carmen memorabit Horati.

Leaping,
Wrestling,
Playing at
Quoits.

Hic saltu nitet, hic jacto secat aerâ disco,
Hic focium durâ sudat detrudere luctâ.
Non *Omnes* unum studium rapit, undique venis
Diffimili pulsu sanguis micat, & trahit artus
Concordesque ferunt animos discordia vota.

Making
Trimrams
with Rushes
& Flowers.

Pars humiles texit calathos, atque ordine juncos
Complicat, aut varias pingit sibi flore corollas.

Fishing.

Pars quoque gramineæ residens in margine ripæ,
Non regressuros educit arundine pisces.

Quidam oculis lustrat rimans, quâ lucius hæret
Fixus, & invigilat fociis latebrosus edendis.

To search for
Chubs and
Craw-fish.

At tu qui musas atratâ veste fateris,
Immundum versare lutum, Chobasque latentes
Eruere, aut, melius tectos, tibi quærere Cancros:
Parcè, nec invidèas miseris ignobile lucrum.
Nam mihi sæpe forex latebris mordere sub illis

Vifus,

OXONIUM POEMA.

25

Vifus, & informis prodire in fidera Bufo,
Aut inopem fecit pallere volubilis anguis.

Water-ratta,
toads, snakes.

Denique quis finis tantos exponere ludos,
Et cunctos numerare jocos, Juvenumque labores.
Omnia quæ summâ spectat *Bacconus* ab arce,
Et referit præceptis Iſtæ in littora flumen.
Hinc repetit plauſu læta *Abintona* ſecundo,
Ingeminantque cavi dumoſa per æquora Valles.

Friar Bacon's
ſtudy.
Iphley.
Abingdon.

Jamque actus labor eſt, feſſas quatit anxia pennas
Calliope, poſcitque haud mutâ voce quietem,
Euge damus. Tu qui cœli flammantia templa
Æternis regis imperiis, & numine firmas,
Adſis O! nomenque tuum placabilis audi.
Tu muſas cantare doces, tu pectora mirâ
Mobilitate vehi, ſurſumque in fidera niti.
Tu reficis vires, ex te mens concipit ignes,
Et levis ancipites ſuſpendit in aere paſſus,
Magne Parens, vatiſque ingens, & carminis Author.

Peroration.

Ergo Fave. *Oxonique* pias deſenſor in arces
Fleſte oculos, gentemque tuam, tibi noſtra refulgent
Templa, tuis ſolum creſcunt altaria donis.
Nempe tuæ niveo memorantur ab agmine laudes,
Biſque novem fervent adytis. Amplectere fuſos
Incurvoſque tibi famuloſ. Da ſpernere vulgus,
Et tritas neſcire vias. Da flamme raptos
Ætherio, vitare ſolum, cœlumq; ſubire.

Surplices. 18;
Collegia ſu-
pra enumerata.

Virtutesq; sequi intactas. Extende capaces
 Ardua trans, extende animos famamq; vigentem.
 Ire per astra Jube. Dignisq; nepotibus imple,
Oxonium Heroum genitricem, Urbemq; togatam.

F I N I S.

ERRATA.

Pag. 6. line 12. blot out the full point.

Pag. 8. l. 12. wants *via*.



